

Skýrslu staðarhaldar 2010

Gunnlaugur Finnsson, sem verið hefur meðlimur í Hrafnseyrarnefnd frá 2003 lést 13. janúar 2010.

Fjöldi gesta í Safn Jóns Sigurðssonar

Safn Jóns Sigurðssonar var opið 1. júní – 8. ágúst. 1680 gestir komu í safnið þetta árið, en safninu var lokað nokkuð fyrr en venjulega, því byrjað var að vinna að breytingum á húsnæðinu í byrjun ágúst fyrir nýja sýningu um Jón Sigurðsson, sem opnuð verður 17. júní 2011 í tilefni þess að 200 ár eru liðin frá fæðingu hans. Tekjur af aðgangeyri í safnið urðu kr. 419.233. Eins og undanfarin ár er reiknað með því að safngestirnir hafi verið um það bil 1/3 hluti allra þeirra gesta sem sóttu staðinn heim, því fleira fólk kemur ávalt í kaffi í Burstabænum, en það fólk sem fer inn á safnið. Þannig má reikna með því að um það bil 5500 - 6000 mans hafa heimsótt Hrafnseyri allt síðastliðið sumar (þ.e. líka eftir að safninu var lokað), sem er svipað því sem var árið áður.

Viðburðir

Afmælisnefnd setti á stofn samkeppni um hönnun nýju sýningarinnar um Jón Sigurðsson á Hrafnseyri og sérstök dómnefnd var kjörin, sem undirritaður átti sæti í og valdi bestu sýningartillöguna, sem kallast „Tímanna rás“ og er hönnuð af Basalt arkitektum. Nú hefur sýningarnafninu verið breytt í „Líf í þágu þjóðar“.

Sumarháskólinn á Hrafnseyri: Sótt var um 5 styrki án árangurs, til rannsókna og reksturs Sumarháskólans á Hrafnseyri (sjá síðar). Undirbúningur að Sumarháskólanum fólst m.a. í gerð námskeiðslýsinga á íslensku og ensku í samvinnu við prófessor Marc L. Miller, Washingtonháskóla og Katrínu Önnu Lund, Háskóla Íslands, auk annarra stofnanna. Námskeiðið, „*Strand- og menningarferðamenska*“ 11-13. júní, var auglýst í ýmsum háskólum og stofnunum innanlands sem og vestan hafs og austan. Undirritaður vann að undirbúningi kennslu sinnar með söfnun og lestri fræðigreina og bóka sem hann keypti upp á eigin reikning. 7 nemendur skráðu sig á námskeiðið.

Viðhald: Þegar snjóá leisti og fært var yfir Hrafnseyrarheiði var farið í að skrapa og mála glugga, gereft og þaksegg Burstabæjar, sem er farinn að láta á sjá og þarfnast mikillar viðgerðar, enda eru 14 ár síðan hann var opnaður.

Girðingar: Mikill tími fór í að verja Hrafnseyri aðgangi búfjár og lappa upp á ónýtar girðingar sem umlykja bæinn og eru honum til vansa. Tveir menn (Guðmundur Hagalín Guðmundsson og tengdasonur) úr litlum hópi manna, sem kalla sig Hollvini Hrafnseyrar, komu um vorið og settu niður 1/3 af þeim girðingarstaurum, sem þarf til að girða staðinn. Búist er við að þeir komi í vor og setji niður það sem eftir er af staurunum og girði staðinn. Hins vegar vantar staura og net fyrir svæðið sunnan við bæinn og meðfram nýju heimreiðinni.

Nokkrir rafmagnsofnar í kapellu biluðu í vetur og þörfnuðust viðgerðar. Þar með fór viðhaldskostnaður yfir áætlaðan kostnað fyrir árið (sem áætlaður var 0 kr.). Sláttur túna var framin af Ómari D. Sigurðssyni á Ketilseyri, Dýrafirði, og kostaði kr. 216.488. Árið áður voru tún ekki slegin, að undanskildu túninu fyrir framan safnið, því bændur áttu nóg hey. Þessi sláttur er því aukaútgjöld, sem ekki var gert ráð fyrir í rekstraráætlun staðarins í ár en verður að reikna með í framtíðinni.

Veraldarvinir: 14. júní komu 7 manns (6 konur og 1 karlmaður) frá ýmsum löndum á vegum Veraldarvina til þess að mála útihúsin (tvö fjárhús, fjós og hlöður) fyrir

afmælishátíðina 2011. Einnig aðstoðuðu þau við 17. júní hátíðarhöldin. Fólkið vann þetta í sjálfboðavinnu, en Hrafnsneyrarnefnd greiddi málningu og dálítið í mat þeirra. Kostnaður sem af þessu leiddi var settur undir sérstakan lið að beiðni ráðuneytisins, sem heyrir undir 200 ára afmælishátíðina 2011, en ráðuneytið hefur lagt ríka áherslu á að allur kostnaður sem hlýst við undirbúning afmælisins verði settur í þennan sérstaka lið. Verkefnið leystu Veraldarvinir vel af hendi. En ekki náðist að mála þökin á húsunum.

Formaður nefndarinnar samdi við Hallgrími Sveinsson, fyrrverandi staðarhaldar, að hann fengi að nýta æðarvarp staðarins næstu sjö árin að minnsta kosti.

17. júní var svo haldinn að venju, með þátttöku um það bil 250 manns. Þótt útgjöld dagsins hafi verið kr. 555.430 í krónum talið, er þetta ódýrasti þjóðhátíðardagur sem haldin hefur verið síðan 2005, því söngvari og myndlistamaður voru sérlega ódýrir í þetta skipti (50.000 kr. og 25.000 kr.).

Haust: Safni Jóns Sigurðssonar (og Hrafnseyri) var lokað þann 8. ágúst, og gamla sýningin um Jón var tekin niður. Hún er nú geymd undir plastdúk upp á kapellulofti. Unnið var við yfirlestur á teksta Guðjóns Friðrikssonar fyrir nýju sýninguna um Jón, og með námsgagnastofnun að hugmyndabanka um Jón. Einnig var unnið að stefnumótun fyrir Hrafnseyri. Þar fyrir utan var unnið að frágangi staðarinnar fyrir veturinn, myndatökum fyrir vef www.jonssigurdsson.is, auk þess sem undirritaður var smiðum og öðrum verktökum á staðnum (t.d. vegagerðinni, Hornsteinum, Tækniþjónustunni o.fl.) innan handar fram að áramótum og á meðan fært var yfir Hrafsneyrarheiði.

Undirritaður tók þátt í tveim ráðstefnum, önnur kallaðist „*Umhverfissvottaðir Vestfirðir*“ og var haldin þann 17. apríl á Núpi, en hin var haldin 12. september á Skagaströn, undir nafninu „*Framtíð Jóns Sigurðssonar – Karlar á stalli og ímyndarsköpun*“.

Ýmislegt: Bíll undirritaðs bilaði 15.ágúst og ekki fengust varahlutur í hann fyrr en eftir nokkra mánuði. Því var ákveðið að taka bílaleigubíl á leigu á meðan beðið var eftir varahlutum og viðgerð. Þetta leiddi til aukakostnaðar sem ekki var gert ráð fyrir í rekstraráætlun staðarinnar. Undirritaður tók sér sumarfrí 16.- 20. ágúst

Internettenging á Hrafnseyri: Að tillögu Björns Davíðssonar í Snerpu var unnið að því - án árangurs - að fá Orkubú Vestfjarða til þess að bera sameiginlegan kostnað við leggingu kapals fyrir internettengingu á Hrafnseyri, þar sem tengihús þeirra rétt innan við Hrafnseyri þarf á betri tengingu að halda.

Sótt um styrki til Hrafnsneyrar í eftirtalda sjóði og stofnanir:

Þróunarsjóðs Innflytjendamála – Rannsóknarverkefni: „*Íslendingur í dag*“.

Þjóðhátíðarsjóður: – Tvær umsóknir fyrir rannsóknarverkefni.

- 1) *Uppvöxtur og umhverfi Jóns Sigurðsson og þjóðartáknið Jón Sigurðsson í dag.* Þverfagleg sagn-, fornleifa- og mannfræðirannsókn.
- 2) *Sumarháskólinn á Hrafnseyri* (umsókn til námskeiða skólans m.m.)

Fjárlaganefnd Alþingis – Sótt var um sömu verkefni og í þjóðhátíðarsjóð.

Menntamálaráðuneyti – til kynningar á Sumarháskóla Hrafnsneyrar við háskóla í Kanada

Nýsköpunarsjóður Námsmanna – sótt um styrk fyrir nemanda til að athuga hvar og hvernig best væri að kynna Sumarháskólann á Hrafnseyri á alþjóðlegum vettvangi, með því augnamiði að fá nemendur á námskeið skólans.

Engin af ofantöldum umsóknum hlaut styrk.

Samstarf við eftirtaldar stofnanir

Háskólasetur Vestfjarða – varðandi Sumarháskólann á Hrafnseyri

Fræðslumiðstöð Vestfjarða – varðandi Sumarháskólann á Hrafnseyri

Háskóli Íslands – varðandi Sumarháskólann á Hrafnseyri. Ráðgjafa- og stuðningsnefnd um Sumarháskólann var einnig stofnuð í samráði við HÍ. Framkvæmdarnefnd um Hrafn Sveinbjarnarson 2013 var einnig stofnuð í samráði við HÍ, auk Félag áhugamanna um sögu læknisfræðinnar, Stofnun Árna Magnússonar, Vestfirðir á Miðöldum og fleiri, í tilefni þess að árið 2013 verða 800 ár liðin frá dauða Hrafn Sveinbjarnarsonar á Hrafnseyri

Háskólinn á Akureyri – varðandi kennslu námskeiða við Sumarháskólann á Hrafnseyri

Fornleifadeild Náttúrustofnun Vestfjarða – varðandi skrásetningu fornleifa á staðnum og varðandi sameiginlegar styrkumsóknir í ýmsa sjóði.

Washington háskólinn í Seatle, BNA - varðandi kennslu námskeiða við Sumarháskólann á Hrafnseyri, en prófessor Marc L. Miller frá Washington háskóla var auk undirritaðs kennari á námskeiði Sumarháskólans á Hrafnseyri.

Árósrháskóli í Danmörku – vegna mögulegs samstarfs um sumarnámskeið á Hrafnseyri. Það verður þó ekkert úr þessu námskeiði vegna breytinga á reglum sumarnámskeiða háskóla í Danmörku, sem komu til framkvæmda í haust.

Kanada – undirritaður hefur verið í stöðugu sambandi við Sendiráð Kanada hér á landi og ýmsa kanadíska háskóla, auk þess sem sendiherra Kanada kom í heimsókn á Hrafnseyri í boði undirritaðs. Þetta er gert til þess að kynna Hrafnseyri og Sumarháskólann fyrir þessu fólki með von um að vekja áhuga kanadískra nemenda á skólanum og staðnum Hrafnseyri.

Hrafnseyri 2011: Auk 200 ára afmælis Jóns Sigurðssonar á 17. júní, er ætlað að hafa tvö námskeið. Annað námskeiðið heitir „*Safnfræðsla – að læra og kenna á safni/setri*”, þar sem kennarar verða m.a. frá HÍ. Hitt námskeiðið mun fjalla um Jón Sigurðsson, og aðalkennari þess verður Páll Björnsson, sem fjalla mun um nýju bókina sína um Jón Sigurðsson, sem kemur út á vegum Afmælisnefndarinnar.

Suðureyri, 6. mars 2011

Valdimar J. Halldórsson, staðarhaldari